



Inatsisartuni ilaasortaq,
Laura Táunâjik Uitsatikitseq
Maani/

**Qilalukkanik qernertanik piniarnermi makitsineq pillugu § 37 naapertorlugu
apeqqummut nr. 119-imut akissut.**

Ulloq: 28-07-2020
Suliap normua: 2020 - 12158
Akt normu: 14249338

Inatsisartut suleriaasianni § 37, imm. 1 naapertorlugu Naalakkersuisunut apeqqute-
qarputit, pineqarporlu *Qilalukkanik qernertanik piniarnermi makitsineq*. Apeqqut su-
liassaqaqfigisannit akineqartussanngorlugu innersuunneqarpoq.

Postboks 269
3900 Nuuk
Oqarasuaat (+299) 34 50 00
Fax: (+299) 34 63 55
E-mail: apn@nanoq.gl
www.naalakkersuisut.gl

- 1. Paggatassiinikkut piniagassat tamakkerneqarsinnaagaluartut, taamaattoq peri-
useq tamanna atorneqarumangilaq. Pisassiisoqaqqinnikkut makitsineq ator-
neqarnea sunik tunngaveqarpa?*

Akissut 1)

APNN-ip pisassiissutit annikinnerusut paggatassiissutigalugit piniarnikkut inger-
lanneqannginnissaat misilittagaqarluarfigaa, tassami amerlanertigut sippuinnermik kin-
guneqartitsisarmat. Paggatassiissutigalugit piniarneq aatsaat iluaqtissartaqarsin-
naavoq, pisassiissutit annertuut pineqartillugit, kiisalu pisassiissutit sinneqakulappata
taamaasillutillu ukiumut tulliuuttumut nuunneqarsinnaatillugit (Nuussinermi ukiumiit uki-
umut amerliartortitsinngitsaq atorneqarpoq). Assersuutigalugu 2019-imi APNN-ip
qilalukkanut qaqqortanut pisassiissutit Kullorsuarmiit Narsarmijit tikillugu inuusutissars-
utigalugu aamma sunngiffimmi piniartunut ammannikuuai, qilalukkanik qaqqortartassat
320-iunerat kiisalu pisassiissutit 2018-imeersut sinneqarnerat tunngavigalugu. Qilalukkat
qernertat qaqqortaninngaanniit pilerigineqarnerunerat tunngavigalugu qilalukkanut qaqqor-
tanut pisassiissutit ukiut tamaasa nungunneqarneq ajorput. Taamaammat APNN-ip
qilalukkanut qaqqortanut pisassiissutit ammaappaat, taamaaliornikkummi pisassat inuus-
utissarsiuutigalugu sunngiffimmilu piniartunit amerlanerusunit iluaqtigineqarsinnaas-
sammata. Aaqqiissut assinga aamma Uummannami qilalukkanut qernertanut pisassi-
inermut tunngatillugu naleqquttuavoq, qilalukkanummi qernertanut ukiumut pisassiissutit
154-iupput taavalu ukiup pisassiiffiusup siulianit pisassat sinneqartarnerat takussu-
tissaqakkajuppoq.

Aqutsiveqarfinni assigiinngitsuni pisassiissutit taama nikingassuteqartiginerannut pis-
sutaavoq, uumasogatigiit amerlassusaat aallaavigalugit pisassiissutit aalajan-
gersarneqartarmata, uumasogatigiit amerliartornissaat 70 %-imik ilimanaaserlugu.
Tamanna isumaqarpoq, uumasogatigiit annertunerugaangata, pisassiissutit aamma
amerlanerulersartartut, pisassiissutillu ikinnerulersarlutik uumasogatigiit annikinnerusu-
tut nalilerneqaraangata.

Pisassiissutit amerlanerit tamanut ammaassinnaanerannut pissutaavoq, pisassiissutit
annertunerusut nakkutigineqarnerat mianersornerusumik aamma piffissami sivisuneru-
sumi pisinnaammat pisassiissutinit ikinnerusuniit, piniarnermi ataatsimi sippuinnermik
kinguneqartitsisinnaasumiit.

2017-imi uumassussilerituunit inassutigineqarpoq Tunu tamakkerlugu qilalukkanik qernertanik pisinereqartartut malunnaatilimmik ikileriarnissaat, qilalugaqatigiinni immikkoortuni assigiinngitsuni pingasuni ikileriartoqarsimanera tunngavigalugu, tamaasillunilu 2018-imi Tasiilamut qilalukkanik qernertanik pisassiissutit 16-inut aalajangerneqarput 2017-imi qernertanik pisassiissutit 40-iugaluartut. Tunumi pisassiissutit paggatassiisutigalugit aaqqiisarneq atorneqartarsimagaluarpoq, sippuinerimik kinguneqarpiarneq ajortoq. Tamannali uumassussilerituut Tasiilami Ittoqqortoormiinilu pisassiissutit ikilineqarnissaat pillugu innersuussutaat malitsigisaanik allangorpoq, ersersippaalu paggatassiinikkut piniartarneq aaqqissuussinerusoq naleqqukkunnaartoq. Tamanna ersersineqarsinnaavoq sippuisimanerit 2018-imi, 2019-imi kiisalu 2020-mi pisimammata. Unioqqutsitsilluni pisisat amerlasuut, taamaasillutillu Aqutsiveqarfimmi pisanik sippuinerit amerlavallaat kingunerisaannik, Aqutsiveqarfimmi Upernavimmi makitsinerimik aaqqissuussineq aamma atorneqarpoq.

Juunimi 2020-imi Tasiilami pisasseeqqinnerit APNN-imit paggatassiissutigineqaqunnginnerisa pissutaasoq alla tassaavoq, qilalukkanik qaortanik qernertanillu nakkutillinerup sakkortusineqarnissaa taamaalillunilu unioqqutsitsilluni pisat sippuinerillu ikilisinneqarnissaat Naalakkersuisut januaarip aappaani 2020-imi ataatsimiinnerminni aalajangersimammasuk.

- 2. Namminersorlutik Oqartussat nalunaarutaat nr. 3, 27. januar 2017-meersoq naapertorlugu §8 malillugu Kommunalbestyrelsi qinnuteqartunut ataasiakkaanut ataatsimoorlunilu piniarnissamut akuersissutinik tunniussissaaq, ima paasisari-aqarnerpa Kommune nammineq pisinnaatitaaffeqartoq makitsinikkut paggatassiinikkulluunniit agguaneq pissanersoq?*

Akissut 2)

Qilalukkanik qaortanik qernertanillu illersuineq piniarnerlu pillugit Namminersorlutik Oqartussat nalunaarutaat nr. 3, 27. januar 2017-imeersumi § 6, imm. 1-2 malillugit Piniarneq pillugu Siunnersuisoqatigiinni ilaasortanik tamarmiusunik kommuninillu tusarniaareernerup kingornatigut piniakkanut pisassiissutinik agguassineq Naalakkersuisunit suliarineqassaaq, aamma nunap immikkoortuani killeqarfiup iluani qilalukkanut qaortanut qernertanulluunniit piniagassatut pisassiissutit, kommunikkaarlugit, aqutsiveqarfikkaarlugit aamma nunaqarfikkaarlugit aalajangersaavigineqarsinnaallutik.

Tamanna isumaqarpoq pisassiissutit taakkulu qanoq agguataarnissaat Naalakkersuisunit aalajangerneqassasut. Pisassiissutit ikinnerusut paggatassiissutigineqarneri Naalakkersuisunit tulluarsorineqanngippat, aaqqissuussinerit tulluurtut allat aalajangersarneqassapput. Naqissuserneqassaarli pisasseeqqinnerit ukiumoortumik pisassiinerit assiginngimmatigut, naalakkersuinikkulli aalajangikkatut pisassiissutaammata.

Qilalukkanik qaortanik qernertanillu illersuineq piniarnerlu pillugit Namminersorlutik Oqartussat nalunaarutaat nr. 3, 27. januar 2017-imeersumi § 8-mi allassimavoq, nunap immikkoortuani uumasooqatigiinnut pisassiissutinik Naalakkersuisut aalajangersaanerisa iluanni qinnuteqarneq malillugu Kommunalbestyrelsi qinnuteqartunut ataasiakkaanut ataatsimoorlunilu piniarnissamut akuersissutinik tunniussisassasoq.


Tamanna isumaqarpoq, Kommunalbestyrelsi qinnuteqartunut ataasiakkaanut pini-aqatigiinnissamullu akuersissutinik tunniussuisuussasoq, Naalakkersuisut aalajangiinerat malillugu. Naalakkersuisut makitsisoqarnissaanik piumasaqaateqarpata, kommunalbestyrelsip pisassiissutit ammaassinnaangilaat.

3. Naalackersuisut Kommunemilu piniarnermut aalisarnermullu ataatsimiititaliaq, taakkulu saniatigut piniarnermut aalisarnermullu peqatigiiffiit qanoq suleqatigiin-nerat ingerlanneqartigiva? Suleqatigiinneq akimorlugu sulineq ingerlanneqarpa?

Akissut 3)

Ukiut tamaasa APNN Qilalukkanik qaqortanik qernertanillu ukiumoortumik pisassiissutit pillugit tusarniaasarpoq. Tusarniaaneriit taakku sapaatit akunnernik tallimanik sivissususeqartarput, inatsisillu atuuttut naapertorlugit ingerlanneqartarlutik. Nunanit tamalaanit isumaqatigiissutit, uumassusilerinikkut inassuteqaatit kiisalu piniartunit atuisunillu ilisimasat mianeralugit tusarniaanermi akissutit Naalackersuisunut aalajangiinissamut tunngavissiami ilaatinneqartarput. Tusarniaanermi KNAPK-p piniartut peqatigiiffii akuutinneqartarput, akissutaallu taperserlugit ingerlateqqittarlugit. Taamaalillutik KNAPK aamma kommunit tusarniaanerup ingerlanerani illugiillutik ingerlatsisarput, tamatumalu kingorna Naalackersuisut pisassiissutinik aalajangiisarlutik.

Inussiarnersumik inuulluaqqusillunga



Jens Immanuel
Aalisarnermut, Piniarnermut Nunalerinermullu Naalackersuisoq